

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и избјеглице

Bosnia and Herzegovina
Federation of Bosnia and Herzegovina


CANTON SARAJEVO
Ministry of Labour, Social Policy, Displaced
Persons and Refugees

Broj: 13-02/1-05-36231/19
Sarajevo, 04.11.2019. godine

GRAD SARAJEVO
GRADSKO VIJEĆE

n/r predsjedavajućeg Gradskog vijeća, g-din Igor Gavrić

Босна и Херцеговина
Федерација Босне и Херцеговине
КАНТОН САРАЈЕВО



Predmet: Izjašnjenje na inicijativu, dostavlja se

Veza: Vaš akt broj 01-GV-02-956-17/19 od 25.09.2019. godine

U Ministarstvu za rad, socijalnu politiku, raseljena lica i izbjeglice Kantona Sarajevo je iz Kabineta premijera dostavljena inicijativa koju je gradski vijećnik, Nuko Grebović, uputio na 31. sjednici Gradskog vijeća Grada Sarajeva, a kojom imenovani vijećnik sugeriše nadležnim tijelima u Kantonu Sarajevo da se na svim javnim institucijama mora obezbijediti pristup invalidnim osobama.

Predmetna inicijativa za uklanjanje arhitektonskih barijera i omogućavanje pristupa osobama sa invaliditetom u sve javne institucije je sa pažnjom razmotrena u okviru Ministarstva i ovim putem ističemo da istu u potpunosti podržavamo.

U tom smislu, smatramo značajnim istaći činjenicu da je Ministarstvo dana 02.07.2019. godine objavilo na svojoj web stranici Poziv javnim ustanovama i institucijama Kantona Sarajevo za izražavanje interesa za apliciranje u projektu koji provodi UNDP i Ministarstvo za rad, socijalnu politiku, raseljena lica i izbjeglice Kantona Sarajevo za uklanjanje arhitektonskih barijera za nepokretne i teško pokretne osobe. Pravo apliciranja po ovom javnom pozivu su imale sve javne ustanove, institucije i druga pravna lica pod ingerencijom Kantona Sarajevo za objekte u vlastitom vlasništvu ili objekte koje koriste. Cilj predmetnog javnog poziva je izgradnja prilazne i druge infrastrukture u ovim institucijama, a kojom će se osigurati nesmetano kretanje i pristup osobama sa invaliditetom, nepokretnim i teško pokretnim osobama.

Također, značajno je istaći da je dana 25.09.2019. godine potpisan Sporazum o finansiranju između Razvojnog programa Ujedinjenih nacija (UNDP) i Ministarstva za rad, socijalnu politiku, raseljena lica i izbjeglice Kantona Sarajevo kojim su potpisnici iskazali saglasnost da saraduju u



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090

Sarajevo, Reisa Džemaludina Čauševića 1



realizaciji projekta Inicijativa za razvoj infrastrukture u Bosni i Hercegovini za rad, socijalnu politiku, raseljena lica i izbjeglice Kantona Sarajevo, te u okviru navedenog i u realizaciji potprojekta "Uklanjanje arhitektonsko-urbanističkih prepreka za osobe sa umanjanim tjelesnim mogućnostima".

Aktivnosti na realizaciji svega navedenog su u toku i očekujemo da će njihova implementacija kao rezultat imati da osobe sa invaliditetom ostvare potpunu dostupnost javnim institucijama u Kantonu Sarajevo, a što će svakako doprinijeti povećanju stepena njihove integracije u društvu.

S poštovanjem,

Pripremila: Smaragda Lučkin, stručni savjetnik
Kontrolisale: Cica Pljevljak, šef Odjeljenja
Slavica Gorančić, pomoćnik ministra

Sekretarka Ministarstva, Belma Trajkov

Dostavljeno:

1. Naslovu,
2. ministru,
3. a/a.

MINISTAR

Malik Garibija



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090.
Sarajevo, Reisa Džemaludina Čauševića 1

